



March 8-ah Branch thisen pek runpui

Chanmari West, March 4 : Branch YMA-in kum tira ruahmanna a siam angin March 8 (ningani) hian Govt Middle School-ah thisen pek runpui neih a ni dawn. Section-ten thisen pe thei tur an zawh kual tawhna atangin member 300 vel an inpe a, a tam thei ang berin thisen pe thei ila tih chu Branch duh dan a ni.

Branch Committee chuan YMA thupui tanpui ngaite tanpuina kawnga hmalakna pawimawh takah a ngai a, member-ten ngai pawimawh theuh turin a ngen bakah member inpe tawh leh inpe lawk lote tan pawh inthlahrung hauh lova he thisen pek runpuiah hian tel vek turin a sawm nghal bawh.

Ruahmanna hmasaah Civil Hospital, Aizawla pek tum a nih laiin remchan lohna a awm a, Synod Hospital, Durtlang tan pek a ni dawn a, damdawi in lama thawkte hian thisen petute ei leh in tur an tum dawn niin thu dawn a ni.

Branch chuan tlawmngaia thisen petute tan ei leh in tuihnai tak a buatsaih

dawn bawh a, thisen pete ei turin bawng sa soup leh paratha buatsaih a ni ang a, soup siam tur hian Khuangchera section beisei niin, paratha kang turin kan veng MHIP-te sawm tum a ni bawh.

2010 khan Branch-in thisen pek runpuiah member 206-in thisen pein, a hun lai hian YMA category-a thisen pe hnem ber kan ni. Mahse, a hnu lawkah Ramthar Vengin khumin Mizoram pumah pahnhna kan ni a, Voluntary Blood Donation Award kan dawng nghe nghe. Tun tumah hian ngaih pawimawh berah record siam awm lo mah se, a theih chuan YMA category-a pe hnem ber record siam erawh Branch duhthusam a ni.

Kumpuan hawng

Kum 2012 atana kumpuan 'Ram leh hnam humhalh' tih chu nilaini khan CYMA President T. Sangkunga chuan Chanmari YMA hall-ah a hawng. Kumpuan hawna inkhawm hi CYMA Vice President Lalbiakzuala'n a

kaihruaia, kumpuan thupui hmangin seminar leh leadership training hun hman nghal a ni. Aizawl chhung atangin mi 400 vel an kal a, kan Branch atang pawhin kan hruaitute mi eng emaw zat an tel a ni.

Local Council chairman Pu F Zosanga

March 1 khan returning officer Pu Zothangzuala Chhangte hovin thlan chhuah mi pasarihten nihna an invuah a, chairman-ah Pu F. Zosanga a ni.

MNF atanga thlantlin paliten office brearer nihna an chelh a, Pu Lalliansangpuia MNF leh Congress atanga thlan Pu RL Thanhnuna leh Pu H Lalthuamate member an ni.

Chanmari West LC chairman Pu Zosanga hi Zawlse (Champhai District) khaw chhuak niin, PUC Arts zir zovin 1982 khan BA final a zirlaiin politics-ah lutin Congress a zawm. Congress-a a awm chhung hian MPYCC office brearer nihna kum ruk a chelh hman.

1998 khan MNF zawmin tun thlengin ala awm. Kum 51 mi Pu Zosanga hi MNF Headquarter-ah of- fice bearer ni mekin Organisation Department-ah joint secretary a ni.

Zofa Cultural Club, Sporting Club leh CVTTP-ahte hruaitu a nih thin bakah Mizofed Board of Director - ah hun engemaw chen a hman hnuin Mizoram Co-Operative Apex Bank (MCAB) Board of Directors-ah Kum nga a tang tawh bawh a ni.

Kohhran lamah Salvation Army niin eizawna lamah contractor a ni a. December 9, 2010 khan lirthei che sualah a nupui Thanthuamliai'n vanduaia tawkin a boralsan a, a fate pathum nen 'K' section, anmahni in H/No - K/48-ah an cheng.

LOCAL COUNCIL HRUAITUTE

- Chairman : **F Zosanga**
- Vice Chairman : **H Lalramhluna**
- Member Secretary : **C Lalmuanpuia**
- Treasurer : **H Vanlalvena**
- Member-te : **Lalliansangpuia, RL Thanhnuna, H Lalthuama**

Branch News

Ni 2.3.2012 a AR Lammuala Chapchar Kut hmanah kan Branch YMA atangin Lam chi hrang hrang kan entir a, Miss & Mister thlannaah telve a ni.

In luah tur neitu ten pem lehkha ngai pawimawh thar leh turin kan inngen e.

Kan vengchhung In sa thenkhat ten leivung kawrah paih ching kan awm a, lo paih tawh lo tur ngen kan ni e.

Kan Branch Executive member Nl. Lalramengi pawh Thenzawlah KTP Conference hmangin a kal.

Kan member Pu Zothangzuala Chhangte 'K' Section chu KTP Central Committee member atan thlan a ni a, Branch Committee chuan a chhuangin, a rawngbawlinaah duhsakna a hlan.

LUSUN KHAWHAR

Ni 26.2.2012 khan Pu C.Lalramdina Kum 62 H/o C.Thankhumi 'CH' Section YMA Life member chu a boral a. Pu Lalbiakdika Kum 29 S/o Lalzirliana 'T' Section YMA Member chu Ni 28.2.2012-ah a boral bawh. Pu Zonunsiana kum 28 H/o Lalchhuanawmi 'N' Section chu Ni 1.3.2012 khan a boral leh a, lusun chhungte Chanmari West Branch YMA chuan a tawrhpuia hle.

PEM LEHKHA

Heng mite hi kan vengah an rawn pem lut a, mi tha leh hman tlak tak an nih zel kan beisei.

1. G. Zonunkima te chhung Chanmari atangin Pu Zairemthanga 'V' Section te In-ah.
2. Vanlalrinmawii te unau Tuithiang atangin Pi Lianthangpuia 'CH' Section In-ah.



TUNKAR CHANGVAWN

"Tin, mihring tan vawi khat thih ruat a ni. Chumi hnuah rorelna a awm ang." Heb 9:27

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :		
	R.Lalmachhuana	9436151817

Branch Office Bearer

President	T. Ngurkhuma	9436190843
Vice President	R. Lalmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

Thla hnih kan hmang zo chauh va, veng chhungah tum riat lai chhiat kan tawk leh ta reng mai. YMA member te'n inpekna thuk zawk kan mamawh hle.

Member tam lam en chuan tlawmngaia rawn pen chhuakte hi kan la thahnem tawk lo hle mai. YMA member kan nih chhan kan chiang tawk lo em ni? Chutihlain, tlawmngaia rawn pen chhuak zingah, mitthi lumenna a rui chung lo chuan kal tum miah lo kan la tam mai. Inngaihtuah chian deuh chu a ngai a ni. "Zu rim nam chung lumenna kal hi a sual lo ve" pawh lo ti ila, nungchang pangngai hloh thaka khawsak erawh hi chuan lusun chhungte a a hnem kherin a rinawm loh. Rui lo hai lova kal tur kan awm ngang lo anih loh chuan rui chung kal thinte hian inthlahrunna chang hria se a tha khawp ang.

Rui chung a kan kal hian lusun chhungte hnemna lam aiin nawmsip bawl lam a kaww zawk lo maw? Mitthi chhungte kan zah tawk lo tihna pawh a ni thei. Chuvangin, lumenna hmuna harh fima kal i tum theuh ang u. harhfima kal a chakawm lo zawk mai ang tih pawh a hlauhawm thei rum rum.

Pu Zara'n a ziah awm tak a rawn ziak a, Pu Chhunawma kan phut chhuak a, ngeiawm si huat theih si lohina rawn chet pek hi.

Article :**Local Council Inthlan thunawi**

-R.Lalchhuanawma

Khawvel piantirh ata a hmasa ber atan Chanmari West Local Council inthlan chu kan lo zo fel ta a, tling an awm laiin tling lo pawh a tam zawk an awm. Tling ve zo ta lote kha in lo inthlahrung palh ang e, inthlahrunna chi a ni lo. A hmasa in a tling hote kha enge an tlin chhan ni ang a, a tling lo te hi enge an tlin loh chhan ni ang aw tiin ka ngaihtuahna a vakvel a, heng vangte hi ni ta berin ka hria.

A tling te:

Pu C.Lalmuanpuia: Ani hi eng vanga vote hmu sang ber nge ni ang aw tiin ka ngaihtuah a, a chhan tamtak zingah Pu Chunga (L) makpa rangkachak a nih bakah Tv Mawia'n pa ena a en, a pa Pu Liankhuma, lam taima tak (regular dancer) a lo ni leh zel baww vei nen. Lam malsawmna a chang ni berin a lang.

Pu Lalliansangpuia: Salvation Army nih leh LS Bakery neitu nih fawmkemtu a ni a, heti ang mi hi zawng ta ngat ila Mizoram hian an vang khawp ang, LC member nih mai loh chu hmabak a nei lo.

Pu F. Zosanga: Ani hi a nupui duh lai ngawih ngawihin hun lo takah mual a liamsan a, a hnu lawkah a nu duhtak a boral leh zel baww nen (min lo hrethiam ula) Ngaihte-an a lo experience tawh atanga a sawi danin "nupui sun chu Local Council inthlan vote zawn nan leh tlin ngat phe chuan nupui thar melh na'n thil tangkai lutuk a ni" a ti. (a risk sang vet vet tak a ni.)

Pu H.Lalramhluna: Pi Zodingi makpa a nih hi zep rual a ni lo. ZNP han lam rikin Chanmari West-ah na na na chuan a pa Pu Tlangliana (L) kha mitthlaah a lang thin, chu mai bakah a u Pu H Laltanpuia hi INC ticket-a VC/LC member ni lai ngat kha a ni a, tling lo rual a ni lo.

Pu RL Thanhnuna: Sande Sikul report leh Pawl insiam rem vel a han puang hi ropui tak a ni ropui tak. Presbyterian kohhran member vote nei chin tan chuan a thilpuan dan atang ringawt pawh hian vote loh chi a ni lo reng reng.

Pu H. Vanlalvena: Vanapa Section leader lo ni hrep tawh, kum khat chawl lailawka

assistant leader ni leh mek, Puanthui thiam Angaihi meuh pawhin iai hauh lova a thlan ngam ngat a ni a, a symbol "UP" hrim hrim hian mi a lem em a, Local Council member nih phu vet vet tak a ni.

Pu HLalthuama: Pi Rualchhani pasal, kan veng mai pawh ni lo Mizoram pum huap pawha music thiam hmingthang Tv H.Lalthazuala pa ni baww, amah thil inrem lo chuktuah rem thiam mistiri a ni lehzel baww nen, thlan tlin a ni hi thik rual a ni lo.

Heng zawng zawng bakah hian vote an hmuh tam bik vang liau liau a ni.

A tling lote:

A tling zo ve ta lote hi in lo inkiltawih ringawt ang e. Inkiltawihna chi pawh a ni lo, achievement ropui lutuk khawvel pum huapa Mizoram Local Council member inthlan hmasa bera candidate hmasa ber ni phak chin, in thih hnuah pawh in thlanlunga ziak ngam ngat, hetiang deuh hian: *'Min hmangaihtu MaSangtea, Khawvel pumhuap Mizoram Local Council Inthlan hmasa berah BJP Ticket-a candidate hmasa ber a ni a, mahse a tling zo ta lo'* tiin.

Ngun takin ngaihtuah ula han hawivel teh u, kan veng mipui zingah hian damchhunga Local council inthlana candidate ni phak lo tur an tamzia hi. In caliber-in a phak loh hrim hrim vang a ni lo a, a tlingte hi in tluk loh bik vang pawh a ni hek lo. Pa lam (dancer) taima deuh in neih ve loh vang te, nupui in la sun ve loh vang te, bakery in neih ve loh vang mai mai te pawh a ni thei. A chhan bulpui berah chuan Local Council seat hi a tlem lulai em a tin ni; tun tum inthlanah khan seat 16 chu awm ngat se la chuan in vaiin in tling ngei ngei ang tih hi chiang takin ka sawi ngam sak.

Pu Huma, Ex VCP-cum, Ex Local Council Chairman hmasa ber, lo inthlahdah hauh suh, YMA takin ka ngen a che, MLA inthlan lo awm leh hmasa berah Chief Minister post chelh ngei turin lo intuaihriam nasa teh, kan veng mi minister pawh kan awm ve ngai loh hi.

(a hua hua sih hlawk ah)

2012 Thuvawn

I awmdan tur chu LALPA chungah ngat la; Amah chu ring la, aman a ti vek ang.

TAITESENA

✂ An member Pu Lalbiakdika'n a boralsan chu an uin a chhungte an tawrhpu takzet.

✂ An member KTP General Conference hmanga Thenzawl lam thang mekte hlim taka Conference hmang turin duhsakna an hlan.

✂ An hruaitu NI Lalthanpuui Study Tour-a Delhi-a kal mek chu dam taka a lo haw leh an beisei.

✂ An section no 20 chu Anganwadi-a hman turin an pe.

✂ Ni 6.2.2012 (Thawhle) zan hian committee koh tum a ni a, hruaitute hun awl lo insiam turin an inhriattir.

VANAPA

✂ Vengchhunga chhiat tawk, lusun chhungte Pathian awmpuina an duhsak.

✂ Ni 8.3.2012-ah thisen pek runpui neih tur a ni a, member a tam thei ang ber thisen pe turin an insawm.

✂ An member exam nei mekte hlawhtlina theuh turin an duhsak hle.

✂ An member KTP General Conference hmanga Thenzawl lam thang mekte hlim taka Conference hmang turin duhsakna an hlan.

✂ Rokhawlhna a awm lo anih chuan Thawhlehi zan hian Financial Secretary Pu PC Lalawmawia te inah Committee thut tum a ni a, Com Member te hun remchang lo insiam turin an inchah.

✂ Tun dinhmun ah member 579 awmin Member mipa 372 hmeichhia 207 leh Life member 30 an awm.

✂ An member Tv Lalthanliana Ngente s/o VL Hmuaka chuan Bachelor of Dental Surgery tha takin a rawn zo fel ta.

NEUVA

✂ Kar leh hun remchangah Section Committee koh tum a ni.

✂ Section member KTP General Conference hmanga Thenzawl-a cham mekte dam taka an lo haw leh an duhsak.

✂ An member Lalrinmawii'n veng danga pasal a neihsan chu an ui rualin an lawmpui hle.

✂ An member a tam thei ang ber Thisen pe turin an insawm.

✂ Pu Zonunsiana chuan Ni 1.3.2012 khan a boral san a, an uin a kalsan tak a chhungte an tawrhpu hle.

✂ Chhiatni Fund leh YMA khawn chhunzawm leh turin hruaitute an inngen

CHAWNGBAWLA

✂ An member Pu C. Lalramdina chuan Ni 26.2.2012 khan a boral san a, an uin a kalsan tak a chhungte an tawrhpu hle.

✂ An member NI. C. Zonunmawii chu Branch aiawhin Miss Chapchar Kut thlannaah a tel a, an chhung takzet a ni.

✂ Ni 8.3.2012 a Branch YMA hmanga Synod Hospital (Durtlang) tana thisen pek turah section member-te pe theuh turin an ngen.

✂ Exam runpui a lo ni leh ta a, mipuite exam ti buai zawnga bengchheng siam lo turin an ngen.

✂ Tunlaiin khua a ro leh tan ta hle a, mipuite kangmei chhuak thei lakah fimkhur turin an inchah.

KHUANGCHERA

✂ Section member lak zawh tawh a ni a, lak hmaih palh emaw lak laia awm lo emaw kan awm anih chuan secretary hnenah inpek theih reng a ni.

✂ Ni 8.3.2012 Synod hospital tana thisen pek runpui neih turah member a tam thei ang ber thisen pe turin an insawm a, he hunah hian YMARUN-ah Bawng soup siam tur a ni a, member a tam thei ang ber thawkhhuak turin an ngen.

✂ Section bungraw lak a lo awlsam zawk theih nan thela siam tum a ni a, a hautak dawn avangin section chhung mi inphalte hnenah sum leh pai thawh thei an awm chuan an lawm hle ang.

LAWMTHU SAWINA

Kan Pa K Liankunga (kum -87), Ni 7.2.2012 (Thawhlehi)-a New Life hospital-a min boralsan tak chungchanga CWBYMA-in hma min laksaknaah lungawithlak kan ti hle. Kuang leh a khuhna mawi tak min siam sak te, MHIP in pangpar mawi tak nena min thlahna leh thenawm khaw veng leh Kohhran mite'n min sunpuina avangin rilru takin lawmthu kan sawi. Chanchinbu kaltlanga kan lawmthu sawina hi min lo pawmsak turin ka ngen a che u. Kan chung a in thatna avang hian Pathianin a let tam takin mal sawm che u rawh se.

In khawngaihna leh duhsakna dawngtu

*Lalhminganga Khobung
leh a chhungte,
Chanmari West, CH sect*

(Artile zawmna..)

Electric hrui in zawmna lai leh Switch bul hnaiah thil kang awlsam thei dah lovin Electric wiring reng reng a khat tawka check thin nise. Duh duhin siksawi kual kawi lo bawk ila, tichuan kan him tlang thei ngei ang.

Electric kal sual kan tih leh thin hi

C. Lalzarliana

Tunlai khawvelah electric kan hmang nasain, a awm loh hlek chuan enga ti nge? Tu sorkar nge kan ti ruai thin a nih tak hi! Eng kan ti zo ta nge? Puh mawh tur zawngin kan khu ruai a, keimah vang a ni chu kan ti duh der si lo.

Thal laiah in han kang se, a tikangtu chu electric kan puh fai ta vek mai. Tawng thei lo ber, ngawi reng baw si, a thiamthu pawh sawi thiam reng mah se sawi duh baw si lo; puh zawng a nuam ber mai, court-a mitthi khin ang deuh a ni. A! Lal Isua dawta an puh, thiam lohna pakhat mah nei lo, a thiam thu pawh sawi duh lo ang deuh kha ni ber in a hriat.

Mahse, thil mak tak mai chu electric pawh awm lo, in a kan tak avanga electric kal suala puh tlat mai te, hriat tur a awm. Maubaw in kang pawh electric awm loh lai a nia, mombati chhit atangin a niang then khatin an tih lai reng pawhin load shedding vang a ni an la ti duh tal nia maw le!

Tun laiah chuan hmanruate pawh a tha tawh a, chu hmanraw tha chu hman a nih pheih chuan electric short circuit a lo awm palh pawhin eng a sa lem lo. A tha chin kan la hmang pha lo a nih pawhin uluk taka zama zawm ni thei se, a zawmna te tam lo thei ang berin a connection lai uluka chip (tied)-a siam a, a khat tawka endik (check) reng tur a ni.

Kan in tihen nan hian tam tak hi chu kan pawt kual vel mai mai a, a en theih chuan thil dang chhe thei lam kha ngaihtuah a awm leh chuang tawh lo. Electric short avanga vengtu santiri kan dah thin cutout-te pawh kan duh dan danin fuse kan hmang a, a then lah hian darzai emaw thirzai emaw kan hmang leh tawp thin. A chah har chuan cutout dah khan awmzia a nei lo tihna ani. MCB-te kan hman chuan lo ti short palh pawh ni ila, a lo veng tha em em thin a ni.

In kang kan ti fo thin hi a fawhkai tha tak a bulah a awmte a nih loh chuan in han kang khawp tur hi chuan in wiring hi chu a awm har khawp mai. Electric short avanga kan puh fo thin hi chu a hmangtu te zir loh vang hi a ni chaw; a hma lama kan sawi ang khan puh tur awlsam ber hi puh a ni fo thin reng a ni. Connection kan lak tirha load kha ringin, kan pawh belh zel a, kan duh ang angin kan siksawi kual vel thul, connected load ngaihtuah lem lovin a tha tih vangin hmanraw tha electric hmang chite kan han lei ngawt a. Heng avangte hian kan wire hman kha thlak leh a awm baw si lo, a zawh loh nghawngkaw kan bahtir a, wire-te pawh a lo kang thei thin. Mahse, electric short avang hi chuan in kang hi chu a awm har khawp mai. (Lehlamah zawm a ni..)

RED RIBBON FOOTBALL

☞ Chanmari West Local Council Football Team-te chuan Ni 13.3.2012 (Thawhlehi) tlai dar 3:00 hian Durtlang Playground-ah Buhban leh Kanhmun chak zawk zawk nen an khel dawn a, veng mipuite tawiawm turin an sawm.

☞ Chanmari West Local Council Football Team-te chuan ngawrh takin inbuatsaihna an kalpui mek a, veng mipuite tawngtai pui turin an sawm.

MHIP NEWS

☞ Chanmari West Kendra (tailoring) ah 3rd Session tan a ni leh dawn a, zirtirtu (instructress leh Asst. instructress) lak thar a ni dawn a, dil duh chuan Certificate leh Bio-data thil telin President/Secretary hnenah Ni 8.3.2012 hmian dilna thehluh theih a ni.

ZOFA NEWS

☞ Ni 2.3.2012 (Zirtawpni)-a AR Lammuala Chapchar Kut hman zawh takah Branch YMA hmingin Cheraw leh Khuallam te entir a ni. Lam entir tute chungah lawmthu an sawi.

☞ Ni 1.3.2012 (Ningani) zan khan Assam Riffle (Khatla)-ah programme pawimawh tak an nei.

☞ An member KTP Gen. Conf-a kal zawng zawngte hlim taka Conference hman turin duhsakna an hlan.

☞ An member exam nei mekte result tha tak nei turin duhsakna an hlan.

Thlanmual Sub-Committee

☞ Ni 25.2.2012 khan Thlanmuala thing ro pahnih chu kih a, thenfai a ni. Thlan In chhuat chhun nghal a ni a, member an thawkchhuak tha hle.

☞ Thlan In atana hman tur, Rawra phurhnana Pick Up hmantirtu Pu Lalrinchhana (Mapuia), CH-sect chungah lawmthu an sawi.

☞ Thlan laih hi zing dar 6:30-ah tan thin a ni a, hman rei thei lote pawh inthlahrung miah lova, mahni hman chung thawk mai thin turin an sawm.

☞ Suahdur thar tha tak leisaktu Pu PC Lalawmawia, V-sect chungah lawmthu an sawi.

Local Council News

Pu Vanlaluata in bul, 'N' section, Sairang panna kawngpuia kawrpui pathum bawhlhlahwin a hnawh a, min paih faisaktu PWD Highway Division-te chungah Local Council chuan lawmthu a sawi.

KEIMAHNI

☞ KTP general conference, Thenzawla neih mekah kan aiawhin circulation manager Tv Johny Lalthanpuia a kal a, tisa chauh ni lovin thlarau lamah hlawkna a rawn puak haw ngei kan beisei.

☞ YMA Buk hnuai, information centre atana hman mek chu chei that a, YMA AW chhut nan hman turin Branch Committee chuan a rel fel tawh a, luah theih tura hmalak mek a ni.

☞ YMA AW man khawwna receipt la daih lo chuan eng lai pawhin editor hnenah lam theih reng a ni a, khawn fel hma theih ni se duhthusam a ni.

HETAH HIAN SMS LA

>>9862358337<<

☞ Kan vengchhunga Gas harsat em em zia hi aw, hma la theite khan han ngaihven rang teh u.

98623----29

☞ KTP gen. Conf leh Mizo Kutpui Chapchar Kut inrual kher hi chuan ngaihtuahna a tithui khawp mai, KTP leh YMA inkar boruak tichhetu a ni mai lawng maw?

98656----45

(SMS kan dawn te hi Ed. Bd ngaihndan a ni vek kher lo)

YMA LIFE MEMBER LIST, CHAWNGBAWLA SECTION

<u>Sl/No</u>	<u>Hming</u>	<u>Nu/Pa hming</u>	<u>Number</u>
1.	Lalmachhuana Hauhnar	Thangvela	
2.	K.Chalmana	Vailuta(L)	
3.	K.Laltanpuia	Ngurkhuma	
4.	Lianthangpuii	VL Biakenga(L)	
5.	R.Rokima	Lalenga(L)	
6.	Lalthuamluaia	Lalsangluaia	
7.	Lalruata Hnamte	H.Tawnvela	
8.	Vanlalsawma	Darrochhunga(L)	
9.	Vanlalruata Zote	Darrochhunga(L)	
10.	C.Sangpuia	Chawngpuilala(L)	
11.	C.Ngurchawna	Lalpuia(L)	
12.	H.Lalrintluangi	C.Ngurchawna	
13.	V.Lianzinga	Dohnuna(L)	
14.	Irene Zochhuanmawii	F.Thansangi(L)	
15.	Lalrinawma	Sanghnuna(L)	6384
16.	Lalremruata	Lalrinawma	6383
17.	TC Lalhmangaiha	Lalthankima(L)	6385
18.	Vanlalhnema	Lalduha(L)	6386
19.	C.Lalramdina (L)	Engvara(L)	6887
20.	Lalchhandama Ralte	RB Laitawia(L)	7053
21.	R.Lalhmangthanga	R.Vanthuama(L)	7054
22.	CT Vavra Zote	Zobuaia	7139
23.	R.Lalbiakzuala	Zaivawra	
24.	R.Thansanga	Vaivenga(L)	
25.	Lalrintluangi	R.Thansanga	
26.	Lalrengpuia Sailo	Kaihranga(L)	
27.	H.Zohmingthanga	Tiangthanga	
28.	Ramthanzuala	Chaldaia(L)	
29.	B.Ropianga	KL Kulha(L)	8337
30.	Lalbiakthanga Kiangte	Lalngenga(L)	8340

YMA Life Member list a tel lo leh Number tarlan lohte hian a theih hram chuan Branch Secretary hnenah in hriattir turin kan in ngen e.



Thlanmual Sub-Committee-in kar hmasa inrinni khan thlanmual thian faiin thing ro pahnih an kit. (Photo by PC Lalawmawia)